

كزید سلاطین زمان و سرآمد ملوک عرضة جهان اولان آل عثمان
 خلد الله تعالى دولتهم وابد بلطفه سلطنتهم الى انقراض الدورات
 حضرت قلی بنک مناقب علیه و محامد جليلة لری فکرنده در
 وقتکم معمار اختیارانی و مهندس تقدیر لم یزنی عرصه جهانیت
 بنسیان ظلی قلع و قواعد عدوانی رفع ایدوب قلعه امن و امان
 و سور حضور جهانیا نه طرح توصال بق دیلدی و سکان خطه خاک
 و سایه نشینان مظله افلاکی صفه صفاده اسکان ایچون قطع
 قنادر و عنادر و دفع مواد فتنه و فساد ایلله معموره ممالک اهل اسلام
 و ایمانی رشک دوضه رضوان و غیرت باغ جنان انکه ارادت
 شریفه سی متعلق اولدی دوحه دولت و رحمتدن شجره نصفت
 و معدلت آل عثمانی مقاروق عالم و عالمیا نه سایه کستر قیلوب انکه
 طلوع آفتاب عز و اقبال و اشراق نیر سعادت و اجلالی بر نه عرصه
 عالم نور و ضیا بولدی و تجرید مبانی عدل و انصاف و قطع مواد
 ظلم و اعتسافه مراسد جریل و سعی جمیلی بر نه بروجه اقامت
 اندیلر که جلای تیغ عالمگیر و صفای صفحات شمشر لردن انوار
 شواهد شہامت و لہان ادله استقامت ریده اجرائی روشن قیلدی
 بوشل فاخرک اصل ظاہری و کوره مجاہدین و غزواتک بر فراز قیامی
 سلطان عثمان غازی حضرت قلی بنک رحمہ الله تعالی علیه مشار الیه

حضرت قلی بنک اصل اصیلی قونار کوچ تراکه طائفه سندن در ممالک روم
 مرتبه سلطنته اول قدم بسان سلطان عثمان غازی در آیتوز طقسا
 طقوز قاریخند خطبه و سکر صاحبی اولمشدد اتاسی او طفل بن
 سلیمان شاهر اهل قاریخ نسب لری یافق بن نوح علیه السلام حضرت
 جیقمر مشهور اسماء شریفه لری لغت ترک قدیم اوزده اولوب ضبطی
 مشکل اولغین ایراد اولمدی اما قاریخ ترکیه ده مسطور و مذکور در
 و سلیمان شاه اول مشرق دیارنده ماہان ولایتنده بلخ مملکتندہ قریب
 برلورده بادشاہ ایدی جنکیز خروچ ایدوب اول دیاری تخریب انکه
 باشلا یچی علاء الدین خوارزم شاه ترک دیار ایتدی و اول نواحینک
 اہلی متفرق اولدی لر سلیمان شاه دخی الی بیک خانہ اتراکلہ جیقوب
 بمالک رومہ مستوجه اولدی حلبدن مرود ایدوب نہر فراتی عبور
 ایدرکن آیتلہ کندوغرق اولوب بحر رحمتہ و لجة مغفرت رب عزوتہ
 مستغرق اولدی جعبہ قلعه سنک اوکنم دفن اولوب طائفہ ترکان
 اطراف ممالک و بلدانہ متفرق اولدی لر طائفہ مزبورہ نیک اولادینک
 قونر کوچ جماعت الان اول نواحیدہ موجود در سلیمان شاہک
 دودت اوغلی و ار ایدی مزبور لردن سنقر و دیندار قام یکلر ولایت
 عجم کندی لر و ارد طفل و کون طوغدی نام جوانلر بمالک رومہ توجہ
 اقدیلر و سلطان ولایت فرمان اولان سلطان علاء الدین سلجوقیک
 یاننہ کلدیلر و دیار مزبورہ اقامتہ اجانت اولندقدن صکرہ
 بیحد و بایان اعزاز و اکرام و توقیر و احترامہ مظهر اولدی لر بر زمان
 صکرہ بادشاہدن غزایہ استیذان اقدیلر و اول اجلدن مزبور ترک

يانه طائفه تراکه دن خيلي کسنه جمع اولديلر وفي سبيل الله
 جهاد اتمک مشغول اولديلر و قرارگاهلري قره حصار ايله بلجک
 مابينند سکودچک ديدکلري موضع ايدى و محل مذکورى فلاق
 ايدى نوب طومالج طاغنى يا يلاق ايدى نشار ايدى التيز سکان طقوز
 تاريخنه کلنجه ارطغرل جوار رحمت رحمانه و اصل اولدى و اولاد
 ايجادندن دورت اوغلى قالدی جمله سنک ارشد و سرآمد سلطان
 عثمان التيز اللى التى سنه سندن وجوده کلمشيدى اتاسى و قان
 ايدى چک سنه مزبورده سربى سلطنته جلوس ايدى برادرلى
 ايله اتاسى زمانندن برون غزا و جهاده معنادر اولوب اول بابده تمام
 رشده و سدادى ظاهر اولغين سلطان علاء الدين مرحوم مرقومک
 ناصيه دولتمند آثار نجابتى مشاهده قلوب کار و بار غزا و جهاده
 طبل و علم کونند مکمل اعانه و امداد ايدى و اسم سلطان ايله موسوم
 ايدوب هر سنه که مراسم سلطنتند در اقامته اجازت بيوردي قاريج
 جلوسند کتارالندن قره حصارى فتح ايدوب اقامت جمعيه فرمان
 بيوردي و اول نواحيد ساکن اولان علمادر طورسون فقيه تام
 کسنه منبره چقوب مزبورک نامنه خطبه او قودى صکره کورک
 حصارى و بلجوى صکره اين اوکن صکره يوند حصارين صکره
 اينه کولى و کيشهرى فتح ايدى بونلردن صکره ولدنجيسى او خانى
 تزويج اچون يار حصار صاحبي اولان تکفورک نيلو فرنام قزين البور
 تکفور خدمتنه کلن غازيلر اچون سماط عظيم تدارک ايدوب مزبور
 غازيلر اوراده فرصت غنيمت در ديو هجوم ايدوب تکفورى قتل ايدى

يار حصار دخی مضافات بمالك عثمانیه دن قیلدیلر پس بونلر
 اوزده مدت مدیده غزا و جهاده بذل اجتهاد دن خالى اولوب
 یکرخی التی بیل سلطنت اندکن صکره بدیوز یکرخی بشار یخند
 جوار حقه و اصل اولدى مشهور در که عثمان غازى اطلاق سيف
 و اطعام ضيف ايله معروف و موصوف صاحب دولت ايدى و قان
 اندکن مال و متاعندن بر سيف و بر زرهى و برقاج اتى و بر سوری
 قیونى قالدیکه انى مهمات ضيف اچون ايجاد اتمشيدى صکره دن
 اولاد کراملری انلرک نسلن ضایع اتموب تیمنا و تبرکات حروسه
 بورسه اطرافندن یوریدوب محافظه سیله مقید اولشار در سلطان
 اورخان غازى تحت جلوس ایدوب عدل و داد ايله معروف و کمال
 صلاح و سداد و کثرت غزا و جهاد ايله موصوف بادشاه ایدى فتح
 بلاد و بذل اجتهاد ايله اتاسى مرحومک مرتبه سندن تفوق اتمشيدى
 بدیوز او توز سنه سندن حروسه بروسه یی فتح اتمشيدى صکره
 بدیوز او توز بشار یخند کونیک و بالی کسرى قلعه سین و قره سی
 ولایتین و اولو باد قلعه سن فتح اندى و بدیوز او توز التی تاريخنه
 قزلجه طوله قلعه سن آلدی و بونلردن غیری نیجه قلاع و حصون
 فتح ایدوب ملکنه وسعت و بخت و دولتیه قوت حاصل اولد
 زمان دولتمند ملوک نصارى اتفاق و اجتماع اندیلر که اناطولى
 یقاسته کچوب سلطان اورخان ايله جنک ایدى نو اتفاق ایدت
 ملا عینک باشلری انکروس منخوس قرالى و لاز و سرف بکلری ایدى
 مزبور لولک فکر فاسد لرندن خبردار اولمچى اوغلى سلیمان بک

سلطان اورخان
 رحمه الله

دستور دیلدی که ملائین خذلان قرین قدم شوملین اناطولی
 باصمدین واروب جمعیتلین طاغیدوب شر و شولین ممالک اسلام
 اوزوندن رفیع ایلده پس سلطان ظفر نشان اجازت و یروب مال
 فراوان و عسکر بی پایان ایلده امداد اتدکن صکره سلیمان بک
 روم ایللی یقاسنه کجری کفار خاکسار غفلت و غرور اوزده دریا
 عبور اتمک ندرکنده ایمن بتشوب جمل سنی قلیچدن کجوری و بنجه
 قلاع فتحندن صکره منصور و مظفر عورت ایلدوب بهره دار
 و سعادتمند تاسنک یاننه کلدی سلطان اورخان صاحبقران
 اوتوز بیل سلطنت سوروب کسان اوج بیل عمر کچوردکن
 صکره بدیوز التمش برقرار یخند جوار رحمان و ریاض رضوات
 صوبنه خرامان ایلدی برینه اوغلی سلطان مراد غازی خداوندگار
 سر بر سلطنته جلوس ایلدی تاریخ مذکورده اوتوز در درت یاشنده
 ایدی مزبور و خنی غزا و جهاد و فتح بلاد مشغول پادشاه ایدی •
 تاریخ جلوسنده محروسه ادرنه بی فتح ایلدی و عساکر عثمانیه نیک
 دلی و دلاور لوی اولان یکجری طایفه سین انوار احداث اتمشدر
 و مزبورک دولتمند جنود نصاری لعنهم الله اتفاق ایدوب
 پادشاهلری اولان اسپوت بیلدک یاننه جمع اولدیلر مراد خات
 غازی خداوندگار دخی عسکر اسلامه قارشو واروب قتال عظیم
 ایتدی مراد کفار اوراده مقتول اولوب دارالبوا جهنمه عزیمت
 ایلدی و سائر امرا کتاردن ملوایش نام بر کافر صورت اطاعت ایلدک
 دولته کلدی ال او بملک صد دنده خنجر جقروب ایلر و واردی

سلطان مراد غازی
 خداوندگار
 رحمه الله

اوراده سلطان فردوس مکان مرتبه شهادت نصیب اولدی
 بوقصه نیک و قوعی بدیوز طقسان ایکی سنه سنده ایدی تاریخ
 مزبورون بروا یلیملر و غیره لایزال اوپرا اولدقن سلاطین الوب
 ایکی جانبندن آدم لر طومر بنجه قرب سلطان و اولمق قانون عثمانیه
 اولمشدر اندن صکره برینه اوغلی سلطان بایزید یلدرم خات
 جلوس ایتدی مشهور و معروفدر که سلطان بایزید یلدرم خان عدل
 و داد ایلده موصوف پادشاه عالیشان ایدی کمن غایت تهور ایلد سبیل
 کومکن و افراط تمیز ایلد شیر بیلک افکن اولمشیدی قهر و غلبه ایلده
 ممالک نصارادن حصون و قلاع و بلاد و بقاع کثیره فتحندن صکره
 کتار خذلان شعار ولایت روم و اولان طوایف ملوک التاج اندیلر
 لازم کلدی که سلطان صاحبقران اول طایفه کوشمال ایده لر آنلرک
 جمل سندن بری کره میان اوغلی در که بروزی رله طوایف حبس اولمشدر
 صکره حبسندن قاجوب تیمورلنک یاننه واردی و منتشا اوغلی
 دخی صاحبخی و صفاتی تراش ایدوب ککل قلندرین لشکر تیوره
 ملحق اولمشدر کذلک ایدین اوغلی دخی جرجی صورتنه کیروب بوخچو
 ستارق چیقوب کتمشدر و اسفندیار اوغلی و غیری امرا و ملوک
 اطرافدن نیجه کسنه لر چیقوب تیمور یاننه کیدوب سلطان
 یلدرمدن شکایت ایلدیلر و دیار رومه کلکه انلر سبب اولدیلر
 مزبور لریک دلالتله محرب دیار اولان تیمور مذکور شام و حلب
 دیارنه کلوب متعارف و مشهور اولان قباایحی ظهوره کتور دیلر
 صکره فتنه و فساد ایدرک ولایت آذربایجان ییتشدی سلطان بایزید

سلطان بایزید یلدرم
 رحمه الله

دخی مقاومته لشکر جمع ایدوب چیقدی انقره قریندن ملاقات اولوب
 حرب و قتاله مبارزت ایدوب کرمیان و منتشه لشکری و یانندن
 اولان قاتار جمیعاً فرار ایدوب تیموره واردیلر و سلطان یلدیرم خالی
 قودیلر و کندوب بر مقدار خواص لشکری ایله ثابت قدم اولوب حرب
 و قتال عظیم ایلدیلر او داده اولاد کرامتدن سلطان مصطفی شهید
 اولوبتی باقی قلان عسکری دخی انهرامه باشلیدیلر کندوبنفسه الله
 الوب جنگ ایدیه رک تیمورک اوزینه واردی آخرالندن عاجز اولوب
 بساط حمله القا ایلدیلر و بوجمله طوقلوب حبس اولوبتی حذت
 حرارت مزاجله حتی غضبه مستوفی اولوب سکریوز بئش سنه سندن
 وفات ایلدی و اولاد کرامتدن عیسی و موسی و سلیمان و قاسم و محمد
 رحمهم الله تعالی اتفاق ایدیه یوب هربری باشقه باشقه دعوائی سلطنت
 ایلدیلر اون بریل تمام آراوندن جنگ و جدال و حرب و قتال اکسک
 اولدی اخر الامر توتی الملک من تشاء و تنزع الملک من تشاء حکیمجه
 مشتب خدابرله سکریوز اون التي سنه سندن سلطان محمد خان
 تاج و سریر سلطنت ایله استقلال بولوب نزاع و جدال منقطع اولدی
 مرحوم رشید و نجیب و شجاع و مهیب پادشاه ظفر دستگاه ایدی
 و اکثر اوقات و ایامی غمز او جهاد و بذل جهاد اوزده ایدی قلعه
 قسطنیونی و اسکوب و صامسون و اق شهر و غیره اقلرک توختاندن
 شیخ ابن قاضی سماره اقلرک ایام سلطنتده ظهور ایدوب مزبورک
 دماغنه هوای سلطنت دوشوب احیاسندن یانته چورکسنه
 جمع اولدی اخر سلطان محمد خان دفع فتنه اچون اوزینه لشکری

سلطان محمد خان
 رحمه الله

کوندردی

کوندردی واروب مقاومت اولوبتی مزبورک اتباعندن اوج بیک
 نفر کسنه طبرانه دوشدی و کندوبی طوقلوب صلب ایدیلر ^{۸۶۸}
 و بر مقدار اختلال عقیده ایله شتم ایدی یعنی رسایی بومعنائی
 مشهور دیلر اما علوم ظاهره و فضائل باهره سی وار ایدی
 علم فرو عده بی بدل مؤلفاتی وار و در بین العلماء متعارف در اندرین
 سوء عقیده مستبعد در لکن مقتضای بشریت و داعیه علویت
 حسبجه آرزو سلطنت بومرتبه یریتشدردی بوندن صکره فرمان
 اوغلی محمد بیک خروج ایدوب کلوب بروسه بی احراق ایلدی سلطان
 محمد خان روم ایلی جانبندن غزاده ایدی ایشته کده بتشوب انطولی
 کجوب قونیه یر و اصل اولدی فرمان عسکر یله مابینلرنده حرب قتال
 عظیم جاری اولوب اول جانب انهرام بولدی و فرمان اوغلی محمد بیک
 و اوغلی مصطفی طوقلوب بند و کندله سلطان ارجمند آستانه سنه
 کلدیلر و افر تقرب و توینجندن صکره کناهلرین عفو ایدوب ملکترین
 صدقه یوردی مرحومک و جوه خبردن نیجه برلوره مدارش غلاری
 قائمشدر و حرمین شریفین اهلنه صره کوندردمک اول بونلرین
 واقع اولمشدر طغوزیل سلطنتدن صکره اشپودار فنا و عهد
بی بقارن • وان الی ربک الرجعی حکیمجه سکریوز یکریمی بئش تارنخنده
 عشر تسای بقا و زهتگاه رضایه رجوع ایلدی کندوردن صکره ولد
 رشید و فرزند سعید اولان شایسته تاج و تحت خاقانی و سزاوار
 سر سلطنت و جهانبانی سلطان مراد خان غازی جلوس ایدی
 و تارخ مزبورده اون سکریا شنده ایدی سلطان معدلت نشات

سلطان مراد خان
 رحمه الله

ملوک جهان بینند شجاعت و مهابتله عنوان بولش سلطان مطاع
و مقدم شجاع ایدی نصر عطا و آیت سخا کویا انک شان شریفند نازل
ایدی هر پیل فواضل صدقات خاصه لوندن حرمین محترمین اهلنه
اوج بیک بشیوز و اشراف و ساداته دخی برا و بقدر بلکه دخی زیاده
مبلغ معین قلندر ایدی و قواعد ضبط ممالک و امن مسالک و اقامت
مراسم دین و اجرای احکام شرع مبین ایام سعادتند معنی ایدی
و روم ایلند سمندره و موره و لایتلری و غیره انلرک فتوحاتند
و انکروس قرایله مقاومت ایدوب هزمت ایلشردر دایما قهر
کهار و فتح دیار له مقید ایدی و قنایم فرزند اجمندی سلطان محمد
خان یتشوب عین عبرتله انلرک ناصیه نجابتند غرّه سعادت
مشاهده بیوردیلر کند و رغد غه جهان و غوغای جهانیا ندن
حسن رضایله فراغت اختیار ایدوب سکزیوز الی الی سندن سلطان
محمد خان حضرتنه تاج و تختی تسلیم اندیاز و نیت انلرک ایلله جانب
معنیسیایه بکالدیلر سلطان محمد خان تاریخ مزبورده بکرمی بفرمایند
تکلیف تمشیدی مشهور در که بولر سلاطین عثمانیه نلک سرفراز لوندن
مناقب جمیله و مفاخر جلیله صاحبی سلطان عایشان ایدی •
حب غزا و جهاد و کثرت توکل و اعتماد ایلله معروف و موصوفه اند
بر پادشاه حجه سته نهاد ایدی اکثر قوانین آل عثمان انلک نتایج افکار
اصابت افلایدن کند تخیری اعناق کردن کشان جهان افکنده و انواع
لطف و احسان و انعامله خاص و عانی بی اختیار کند و به قلمشیدی
کثرت غزا و جهاده معتاد اولوب کورز و کند عد و بند و صلب صلبی

سلطان محمد خان الشهد
به ابو الفتح رحمه الله

شکسته و دست و کردن عبده اصنامی بسته قلمشیدی فتوحات
علیه سته نهایت و غزوات جلیله سته حد و غایت بر قدر کمر اعظم
فتح کبیری قسطنطنیه در که انک فتحند موسی و اید بیضا کوسر شد
خصوص مذکورده یکی حصار دین مرای قسطنطنیه به و اید و اید
سفایان اجرا اندوکی مشهور و متعارف در شهر مذکوری الی کون محلهم
ایله کهار تجاری تضییق ایدوب الی برنجی کون که سکزیوز الی الی
جمادی الاخره سنک یکم برنجی چهارشنبه کونی ایدی اول روز
فیروزه فتح میسر اولوب جمعه کون اکبر کایسی اولان ایاصوفیه
جمعه قلندی و نیجه رده دخی کلیسا لیرین مسجد ایدوب جمعه
قلندقدن صکره شهر مذکورده بر عالی جامع بنیادین ایدوب
اطرافن سکزیوز و دارالشفاء و دارالضیافه و مکتب ایلله
احاطه ایلدی مرحومک زمان دولتند آفتاب عالم تاب عرفان
اوج عزتده تابان ایدی فضل و معرفت و رغبتی و علمایه محنتی اول
مرتبه ده ایدی که بالذات مجلس شریفلرینه حاضر اولوب در سلویه
متلذذ اولوردی افاضل عجمدن مولانا علی قوشچی و مولانا طوسی
و مولانا کورانی مال فراوان بذل ایدوب دار السلطنة العلیه محمد
قسطنطنیه به کتور مشلردر انلرک قدوم شریفلرینه ولایت روم
انواع فضایل و علوم ایلله زینت بولشدر اگر فضایل و مآثر و مناجی
تعداد اولنسه نیجه مجلد کتاب و هر هر هزار فضل و باب اولم قابل
ایدی و توفیق بیل سلطنت اندکدن صکره سکزیوز سکان الی الی
مکن فاندین مامن باقی یا انتقال ایدوب برینه اوغلی بایزید خان

سلطان بایزید خان
ولی رحمه الله

سنه منوره ربيع الاولك اون سكرنجي كوني سرير سلطنته جلوس
 ايلدي قاريخ منورده سن شريفی اونوز بریل ایدی مرحوم اعظم
 سلاطین رومدن اولوب انصاف و معدنله موسوم و اقامت مراسم
 دین و شعایر شرع مبین ایل موصوف و معلوم برپادشاه نجسته حصال
 ایدی روزگار سعادت و ایام سلطنتند جمهور ناس و عامه خلایق
 حدایق امن و سلامت انچه متانق اولمش ایدی خواص و عوام و امثال
 انام ولایت و کرامتنه متفق و صادرات و واردات اقوالی علو
 حالنه شاهد عادل و مخبر صادق در اقامت مراسم جهاد و غزاده آبار
 کرام و اجداد بزرگوار عظامی اثرینه اقتدا اتمشیدی جمله دن ملوان
 و کولک و آق کرمان قلعه لرین سکر بورد سکر ناریخنده فتح اتمشدر
 و قلعه متون و قرون و بوفلرک امثالی نیجه قلاع و حصون انلرک
 فتوحاتند در و برادری سلطان جم خراج اندکده مرحوم اوزینه
 وارمشیدی تقابل و تقابل اتمکندن سلطان جم منهنم اولوب یار
 مصره فرار ایدی اورادن حج شریفه واروبینه مصره عودت اندکده
 حاکم مصر غایت اجلان و اعظام ایل توقیر و احترام کوستردی اوراده
 طور میوبینه هوای سلطنت ایلله دارس انچه روشدی اولدیبارک
 علالت و غواندن بر مقدار لشکر جمع ایدوبینه برادری ایل مقابل
 اولدی تکرار انهنام و انکسار بولچق سکر بوزیدی سنه سندن ممکک کتاره
 فرار ایدی بر مقدار ولایت فرنگ انچند درنگ اندکدن صکره
 عشرتسرای بقایه آهنگ ایلدی حکایت ایدر لکه سلطان بایزید مرحوم
 اشارتیه آستانه دولتن بر استاد سر تراش کیدوب سلطان جم خدنه

وادر بر کون فرصت بولوب بر زهر ناک استره ایلله تراش ایلر و فی الحال
 نابید اولور بر جزئی زمان کچمدین کیفیت ستمله متاثر اولوب کام
 عیش و حیاتی حرارت قهره هر یله بر زهر اولور مرحومک ترکی لسان
 اوزره اشعاری لطیف واردر و سلطان بایزید مرحومک زمانده
 شاه اسمعیل بن حیدر طغوز یوز بوش قاریخنده ولایت عجمه ظهور اتمشدر
 طائفه عجمک احوالی صلاح و سداد بولمشیکن آنک سببیل اعتقاد
 فساد و غلبه رفض و لحاد و تحریب ممالک و بلاد و اراقه دمار عباد
 مبدل اولمشدر الی الان نسل ناکلف وفادانی شر و فسادندن ولایت
 عجم کمال اختلال و اهلی بایمان اولق اوزره در منور شاه اسمعیل آتیه
 شیطان قوی دید کلری زندیق دخی انلر زمانده ظهور ایدوب
 سبب هلاک حرث و نسل و باعث فتنه و فساد و قتل اولمشدر
 ملحد مذکورک یانته اهل بغی و ارباب فتنه و فساددن فتی حرق کسنه
 جمع اولمشیدی مرحوم سلطان بایزید کروه ابنوه و عساکر کثیره الوجوه
 ایلله وزیر علی پاشای ارسال ایدوب حرب و قتال عظیم اولمشیدی
 اخر علی پاشا عز شهاده و وصول بولوب شیطان قوی خبیث یاننده
 اولان حرب شیطا طین و جنود ابلیس لعین مخدول و مقتول اولد
 خصوص مذکور طغوز یوز اون بشر قاریخنده واقع اولمشدر و مذکور
 سلطان بایزید مرحومک ایام دولت و زمان سلطنتنده آفتاب
 علم و عرفان اوج رفعتند درخشان و قبابان ایدی فواصل صدقا
 علیه سندن هر سینه مفتی زمانه اون بیک و ثمانیه مدرسلرینه
 بشریک و مفتاح مدرسلر دور در بیک و حاشیه تجرید مدرسلرینه

صفای شویب اضدادون مصفی قلع دیلری بحکم وراثت دعوای
شوکت و هوای سدطنت ابلین برادرلرینک کارین اتمامه کمرهت
باغلیوب اول محاربه سلطان احمده محاربه سلطان احمده غریت
ایلدی واروب مقابله و مقاتله شروع ایدیک لشکر سلطان
احمد هجوم هنبران عسکر سلطان سلیم خانہ تاب و توان کتور میوب
هرجانبه افتان و خیزان دران و کویزان اولغه باشدیله و کندی
خواص خدمندن عدد قلیل اچره قالوب بروادی عجز و حیرت
دست دولت و بختن بسته و طره سعادت و اقبالن شکسته کورد
و چار و ناچار بحالبا از شیران کارزاره کرفتار اولوب قید و بند
یار کام سلیم خانہ کلدی و طغوز یوزاون صفینک طغوزنجی کوفی
فرمان قدر جریان سلطانی موجینه طومار عمری طی اولوب
رضوانه و اصل اولدی اندن صکره سلطان قورقوده قورقود
قرار اندی و بعض جبالده بر غارہ کتوب بر قاج کون قرار ایلدی
آخر طویلوب اول دخی طویلوب سلطان احمد کندکی بولد
شهادیه قاتلدی سلطان جهاندار سریر سلطنتده نمکن و استقرار
و مشکای نجت و سعادت قرار بولوب عنان عزیمتن سیر و سلوک
مسالك و فتح بلدان و ممالک سمتنه معطوف قیلوب قهر باب
عنف و عناد و قلع شجره فتنه و فساد اسلوبنه مشغول اولدی
اول صاحب ظهور اردبیلی شاه اسمعیل اوزرینه هجوم ایلدی تنکم
بو فصلده و اجمالاً ذکر اولنور مزبور شاه اسمعیل بن شیخ صدر
الدین موسی بن شیخ صفی الدین اسحق اردبیلی در مزبور شیخ صفی الدین

ولایت اردبیلده شیخ صاحب زاویه ایدی طریقتده شیخ عزالدین
زاهد کلائی مریدیدر و ساریط سلسله سی امام احمد غزالی به منتهی اولور
شیخ صفی الدین بدیوز او توز بشر تار یخند و وفات ایدوب یرینه اوغلی
صدر الدین موسی جلوس اتمشد مذکور شیخ موسی به ملوک زمانه سی
تمام اکرام و احترام ایدوب استمداد همتله خدمتده وارور لودی
مزبوره مراجعت ایدن لودن بری تیموردی که ولایت رومدن عودت
اندکه زیارت ایدوب التماس دعا اتمشد و شیخ مذکور مراد کوند
دیوسنوال اندکه بلادر رومدن اخذ اید و ککر سور کون طایفه سن
اطلاق ایدن مزبور تیموردی اجات ایدوب جمیع سور کونلری
ازاد ایلشد و مزبورک اوغلی خواجه علی حج شریف و زیارت روضه
نبی صلی الله تعالی علیه وسلم قیلد قدن صکره زیارت بیت المقدسه
متوجه اولدی و آنده وار یحق وفات اندی شیخ موسی و قیام اردبیل
اجدادی یرینه سجادہ اشاره جلوس اندی طایفه صوفیه دن یانته
قتی حق کسینه جمیع اولدی قره قیونلی طایفه سندن اذربایجان
حاکمی اولان جنید بونلرک کشتندن اندیشناک اولوب مزبور لری
اردبیلدن اخراج ایدوب جنید دخی بعض اتباعیل دیار بکره متوجه
اولدی و اول زمانده آق قیونلی طایفه سندن عثمان ملک بره قیاق
بلک که اوزون حسن اجدادندن امرآ دیار بکردن ایدی طایفه مذکور
سریر سلطنته جلوس ایدن لری اولدی و آنده بایندر لوطایفه سی
دیرلر مزبور لودن طغوز نفر کسینه پادشاهلق اتمشد مدت
سلطنتلری فرق ایکی ییلدر و بو طایفه نیک اولی قره یوسف بن

قره محمد ترکانیدر و بونلرک مدت سلطنتلوی التمش اوج بیل ایدی
 دولتلری سکر یوز بتمش اوج شوالند مذکور و زون حسن النده
 انقراض بولمشدد و اوزون حسن و درمان دولتلرینک سرافزاری
 بر سلطان مطاع و مقدم شجاع ایدیک هر قند غزیمت ایلسه او کجه
 فتح و ظفر رهبر و هرنه یرده توجه قیلسه مظفر و لوردی و لکن
 بفرمان قادر یزدان سرافرازان عثمان سلطان محمد خان بن مراد خان
 بایبورت ناحیه سند مقاومت ایدیک منهنم اولوب آذربایجان
 قاجدی و قتا کیم شیخ جنید آق قیونلی طائفه سنه الحیا ایلدی
 اوزون حسن مذکور خوش کور و ب م صاهره و بایوردی و کند و قری
 اولان حیدر بکیم نام کریمه سن تزویج ایدوب اندن شیخ حیدر و جوره
 کلدی و اول زمانکه اوزون حسن استیلا فامیل قره قیونلو نماکن
 قبضه تصرفه کتور و ب مزبور لوده قوت و شوکت قومدی بینه شیخ جنید
 اوغلی حیدر ایلده ابدیله عورت ایلدی و اوزون حسن مصاهره تیل
 کلی شرف و رغبت حاصل ایدوب اجناسی چوغلدی و اوزون حسن
 وفات ایدیک برینه اوغلی خلیل جلوس ایدوب التی ای سلطنت
 ایلدی اندن صکره اول براوغلی سلطان یعقوب جلوس ایدیک
 حلیم بکیم نام قونی حیدر تزویج اندی و سکر یوز طقسان ایکی رجبک
 یکریمی شبنمی کونی که انحر ایام ایدی اسمعیل وجوده کدی و اولک بدنه
 خاندان سلاطین عجم فنا بولدی و شیخ جنید اول زمانکه مرید لیرن
 جمع ایدوب قصد قتال کورجستان بهانه سیله ظهور اتمشیدی
 شروان حاکمی اولان قاسم بک جنیدک جنبشیدن خروج معناسن

توهم ایدوب عسکر یله قارشو یعقوب محارب قیلدی و وراده جنید
 قتل اولوب مریدلری متفرق اولدیلر بعد زمان ینه حیدر اوزینه
 اجتماع ایدوب مذکور غزای کورجستانه اغرا ایلدیلر و اخراج بولدیلر
 و ماح ایدوب او جلیزینه بر ریتور باره سن کجور و ب کسوت غریبه
 و هیئت عجیبه یه کیدر دیلر و خلق بونلره قزل باش دیمکه سبب بولدی که
 سائر اسباب و آلات حربی بوا سلوب اوزره ساخته و برداخته قلدیلر
 شیخ حیدر بونلره قزل جوقة دن بر قاج کیدر و ب غیر معهود طرزه
 قویشیدی مزبور لوقتی کثرت بولچق شروان شاهی نامه یازوب بونلرک
 اوضاع و اطوار و حرکات فاهموار لیرن سلطان یعقوبه اعلام اندی
 اول دخی امراء دولتن سلیمان بک نام قولین دورت بیک نفر یار
 عسکر ایلده حیدر کوندردی که واره جمعیتندن منع ایلدی و اکو متغ
 اولوب عناد ایلر سه جنک اید مزبور سلیمان بک و ارجق حیدر
 اطاعت اتمدی سلیمان بک دخی شروان شاهله تظاهر ایدوب اوزینه
 واردیلر یاننه جمع اولان حواشی و مواشیله کیم و ارایسه عرصه تفریق
 و تلاشیه دو شوب و وراده کندوبی قتل ایدوب اوغلی لردن اسمعیل
 و غیره طوقوب سلطان یعقوب آستانه سنه کتوردیلر اول دخی کندو
 جانبندن حاکم شروان اولان قاسم بکر ارسال ایدوب اصطخر قلدیلر
 حبس اتمک فرمان ایلدی مزبور دخی موجب امر له عمل ایلدوب اسمعیل
 و اخوانی حبس ایلدی مزبور لیر تا سکر یوز طقسان التی سنه سنه
 سلطان یعقوب وفات ایدیک اصطخر ده محبوس قالدیلر مرحوم قتا
 ایدوب برینه اوغلی سلطان ستم جلوس اندکه سائر برادر لری

منازعه ملك قیام ایدوب ارالونده اتفاق میسر اولدی و اتالی
 ملکدن هر یی بر ناحیه تصرفه مشتغل اولدی بر تشویش و در غده
 مابینده اولاد شیخ جنید ظفر بوبوب بر کچه حبسدن قاجدیلر
 کیلان شهرند لاهجان دیدکاری موضعه واردیلر اوراده اسمعیل
 فرزند اشلردن موسی بن شیخ حیدر خروج ایدوب اتاسی مریدلرند
 یاننه لشکر جمع ایلوب فساد باشلدی و جوق زمان کچدین
 الوندیک زمانده قتل اولندی و یاننده مرید ناسته جمع اولد
 مرده دن کیم واریسه متفرق اولدیلر بعد زمان سلطان رستم
 انتقال ایدوب یرینه برادری مراد بک بن یعقوب جلوس اندکده
 اسمعیل لاهجان ولایتده نجم زکر دیرلر بر قیومچینک اوند مختفی اید
 و مزبور نجم زکر و بلکه مطلقا ممالک کیلان معدن روافض و سایر
 اهل مذاهب مختلفه اولغین اسمعیل فرق ضالّه ایلده اختلاط اید
 صغر سندن مذهب فضنه معتاد اولدی ابا و اجدادی اهل سنت
 ایدیلر انلردن بد مذاهب کسه ظهور اتمامشیدی اسمعیل ناخلف
 غلاة روافضدن قوبدی مراد بک امراسندن بعضیلر سلطان لاهجان
 اتی طلب ایدیلر آنلره تسلیمدن امتناع ایدوب بند رکلدردیو
 یمین اندی اما اسمعیل نجم زکرک اوند صاقلی ایدی و اتاسی
 مریدلری ائما خفیه کلوب زیارت ایدولوردی و نذر و صدقه
 کتورلرایدی و کندویه تمام اعتقاد اتمشلرایدی و ساکن اولدغی
 بیعی طواف ایدولوردی صکره ملوک و سلاطین اراسنده کثرت
 و عناد و ظهور فتنه و فساد ایلده امن و آسایش بلاد قالمیوب احوال

اختلال بولمچو ضبط و ربط جمهوره کسه مقتید اولیوب شاه
 اسمعیل فرصت بولدی و جمع اندوکی اشقیا ایلده لاهجاندن جیفوب
 شروان شاه اوزدینه اتاسی ورده سی قانن المقتدیتنه خروچ اندی
 یولده هر منزله ککلوردی اخبانا منه اولان اشقیان کروه مکره
 متضاعف اولوردی بو مغال اوزده یاننه یجد و بی پایان عسکر
 جمع اولوب بلاد شروانه دخول ایدیلر شروان شاه دخی عسکر یل قوشو
 جیفوب مقاتله ایدیک لشکر شروان مهزوم اولوب شروان شاه طوبیلر
 اسمعیله کتوردیلر امراندی بر قران کتورب شروان شاه لجنه قوب
 بشوردیلر و یاننده غولان بهایم کردار و عفاریت مردم خوران
 کیم واریسه بیوردی اکل ایدیلر خصوص مزبورک ظهوری طغند
 یوز بش سنده سنک اوخرندن واقع اولشد و هنوز اسمعیلک
 عمری قایم مزبورده اون اوج ییل ایدی که بوفساد اندن ظهور بولدی
 و اوردن الوندیک اوزدینه توجیه اندی واروب قتال اندکده اتی
 دخی هزیمت ایدوب ظفر بولدوغن قیردی و خزینه سن الوب کندو
 لشکرینه قسمت ایلدی و عادی بویدی که اننه کون مال و متاعی
 امسال ایتوب فی الحال یاننده اولان حزب شیاطینه تقریب اید
 اندن صکره مراد بک بن یعقوب بک اوزدینه هجوم اندی انکده
 عسکرین طاغیدوب خزینه سن الدی لشکرینه بخش ایلدی اندن
 صکره اوغرادوغی بری حراب و بیابانیه رک کلدی تبریزی و سایر
 بلاد آذربایجان الدی و بغدادی و جمله عراقینی فتح ایدوب طغیان
 بر مرتهیه و ایدیکه دعوی ربوبیت اتمک اذقادی و اتباعی اولان

ملازمین او کجبه بود و لاییدی و او امر و احکام الهی بر بی قیوب آنک
 امر بنه امثال ایدر لردی و بلاد عجمه علماء سئندن نیجه افاضلی قتل
 ایدوب کتابین احراق بالنار ایلدی و قبور مشایخ کر آمدن نیجه
 بنش ایدوب عظام چیقردی آتشه یقیدی و امر اسندن برینه غضب
 ایدوب قتل ایلسه اهلنی و مالی بر غیره اباحت ایلردی و بالجله
 کفر نهن شبهه قالمیوب علماء دین و ملت اباحت قتلنه فتاوی ^{ذکرین}
 غیر صادر اولان اوضاعی کفر اوضاعنه اویار و نه ملاحظه اوضاعنه
 اویار و نه ذنار قه افعالنه اویار جنون و سفاهت و مسخره نقدن
 مرکب بر مذهبدر که هرگز ایشید نلما شد و جمله مسخره لغدن بری
 بود که بر کلبه سنجاق و یروب امایه لازم اولان اسبابدن نه واریه
 جمله سن مرتب ایشیدی اولاکلک بو غازینه التون زنجیر طاقدی
 و اوزینه اوتوره جن مکلف سیر و ابریشم قالیلر و پیشکر و سمالر
 و عالی اوطاق و یکلار و کتخا و خد متکار تعیین اتدی حاصلی امر
 بکاره لازم اولان مهماتی بی قصور ترتیب ایلدی و قتا کیم بو مقوله
 سفاقتی و کفر و الحاری جنرلری مرحوم و مغفور له سلطان سلیم
 خان حضرتک سمع هایار نه و اصل اولدی طبع ثریضه مرکوز
 اولان غیرت غضبغری و صولت سکیدی حرکت کلوب نصرت
 دین و ملت و معاونت مذهب اهل سئنه کمر عزیمت باغلدی
 و اعدای دین و دولت و مخالف مذهب و ملتدن کیم وادیس تیغ خون
 اشامندن زهرا ب فنیابی نوش اند مک شد نطق اهتمام ایدوب علم
 کبی قیام و لوا کبی خرام ایده رک لشکر جرار و جنود پیشمار جیقور جود

جنگ صحرای
 چالدران

آذربایجانده صحرای چالدران یئتشدی و طاعنی اردبیلی اولان
 شاه اسمعیله طعن آمیز و غیرت انگیز نامه صالوب حباله جبل بر لمع
 معارضیه کتوردی و موضع مزبوره ده جنگ و جداله اشتغال ایدوب
 فائز حرب و قتال اشتعال بولدی چون ^{نقش} کعبتین آسمانی و سیر حرکات
 شطرنج کامرانی وفق هایون و مناسب مضمون ظفر مکتون . وان جندفا
 لهم الفالبون . اولن اوزده ساخته و پرداخته قلنشیدی نراد قضا
 نزد هیجایی برو جمله باخته قلدی که مفاخران جهان انکشت حیرتی
 دندان عبرته اوروپ بازججه مقامان تقدیره حیران قالدیلر اوزده
 صرصصدمات سلطانی عواصف قهر قهرمانی برله اسمعیلک شاخ
 شجره شوکتی شکسته و دست نصر فند قاپ قدرت و قوتی بسته
 قلوب فراری فراره و اقبالی دیاره منقلب اولدی بار و پنجاه خیمه
 و خرکاهی براغوب رووندی فنده سن بتیر زدیور راه کیریزی طوندی
 آنده دخی قرار ایدوب چیقیدی صوارم سیوف عثمانی خوفندن باش
 الوب کندی سلطان کشورستان لشکر فراوان ایله بتیرزه دخول
 ایدوب رقاب رعایای تمام امن و امان ایله مزین قیایوب برمدت اقامت
 ایلدی و آنده بولدوغی افاضل امثال انامک هر صنفندن پای تخت
 سلطنت سئنه محمیة قسطنطنیه صوبنه سور کون ایلد و ^{مک}مخ
 اصل مرادی بتیریزی جای اقامت ایدوب تمامت ملک عجمی طاعنی مزبور
 النذن استخلاص انامک ایدی لکن محل مزبوره فخط و غلا استیلا
 اتمکین طور مقه بحال اولیوب مقرر عزت مستقره عودت ایلمک
 مصلحت کوندی حتی بر شینک ارپه اکیوز اقیبه و برانک یوز اقیبه

کریز کردن شاه اسمعیل
 بجانب تبریز

سبب عودت سلطان
 سلیم از تبریز

صاناور اولمشیدی و بمرتبه قحط و غلا و شدت بلایه باعث اول
ایدیکه اسمعیل و نوب تبریزه کلدکه موجود اولان ذخیره به اکثر
اوروب کشیدی و سلطان سلیم جانبندن تدارك اولان نزول
دوه نری محل احتیاجده کلوب و اصل اولدی و سببندن تفحص اولندن
سلطان مصر اولان غوری مذهب رفض و الحاد مائل اولغین اسمعیل
ایله اتحاد اوزده دراکا معاونت ایدوب یولتری طومغله انقطاع
قافله به سبب اولدی دیر و قناکیم پادشاه سکندر سپاه غورینک
یومکر و غدرندن آگاه اولدی قصد و نیت و تصمیم و عزیمت ایلدی
اولاغدار مزبورک خرمن بخت و دولتین بایمال حوافر و اب و سوا
شمشیر انشتاب ایلیمه ثانیاعنان غورین ممالک عجم سمتنه معطوف
قیلوب اسمعیل باغینک خانمان کفر و الحادین خراب و بیابان ایلیمه
پس بونیتنه عزیمت ایلوب طقوز یوزیکری یکی سنده سنده قتل غوری
اچون چیقوب لشکر ظفر رهبر ایلیمه محروسه حلب سمتنه توجه همایون
کوستردی غوری دخی جراکسه دن عسکر جمع ایدوب نواحی حلبده
مرج دابق دید کلوی موضعده ملاقات اتدیلر و غورینک لشکر ایل
کند و مابیننده مصافقات اولوب بری بوندن امن اوزده دکلردی
خصوصا ملک امراسی اولان خیره بک و جانبور غزالی بک غورین
کراهت و غوری انلردن نفرت اوزده ایدی پس غوری پیوردیکه
مزبور لچیقوب مقابله سلطان سلیمه تقدم ایلیمه و خواص عسکر
ایله کند و بوندن کبر و قاله بوندن مرادی بوایدیکه اولامده
بونلری طوب و تغنک ضربندن هلاک ایلیمه کند و سی دغدغه دن

اهانت سلطان غوری
شاه مصر

قتال غوری
۹۶۲

منافره عسکر
غوری

خلاص

خلاص اولوب صکره خواص خدمتله قالوب هر نیجه اولمالوایسه اوله
مزبور دخی غورینک بو قصدندن خبردار اولوب سلطان سلیم خان
استانه سنه عبودیت نامه ارسال ایلشردی مرحوم دخی مزبور ل
اطاعت اندوکی تقدیرجه انواع انعام و اکرام ایدوب مصر و شام لایتن
ویرمکه عهد ایلشیدی قبل الاتصال بوسنوال اوزده عهد و میثاق
اولندقدن صکره اول زمان که نیران حرب و قتال اشتغال بولوب
جنگ و جداله اشتغال کوستر دیر همان غوری جانبندن مینه دن
خیره بک و میسره دن غزالی یا نلرند اولان طایفه ایله توجه ایدوب
ظل وایت فتح آیت سلطان سلیم خانه منظم اولدی ل غوری خواص
خدمتله قالوب پریشانی عسکر دن زاحیران قالدیلر همان دیر
لشکر سلطان سلیم خان طرفدن طوباری و ضرب بولر بوشاندی بخت
چار سوی لشکر اعدای صوقاق صوقاق ایدوب دیار عدیه بولر لچیدیلر
اوراده قریلان قریلیدی چان قاجدی و غوری دخی غور دیرای
فنایه دوشوب نام و نشانی ناپیدا اولدی اندن سلطان کشورستان
قلعه حلب اوزینه روان اولدی حلب خلعتی امان دیلدی ل مرحوم
اجابت یوروب عزت دولتله شهره متوجه اولدی حلب خلعتی سجانلر
اوزده مصطفی یولیوب دفع صوتله تکبیر و تسبیح ایده رک پادشاهی
استقبال اتدیلر اهل قرآن انا فتحناک فتح آمینا آیه کریمه سن اوقور
مرحوم دخی مرقوملری خوش کوروب انواع الطاف و احسانله نوازشلر
قلدی ل روزارینه کلیجک صلاحه جمعه به واریدی و خطیب خطبه
نام و القاب همایونن ذکر ایدوب منبرده دعا پادشاه عالمپناه اسم شریفه

نابدا شدن
سنتان غوری

مستخ شدن
حلب

القاب خادم
الحزین

قیلدی وقتا کیم خطیب اثناء دعا ره مرحوم خادم الحرمین الشریفین دیو
 زکرائدی ایشند وکی کی سجن شکر ایدوب الحمد لله رب العالمین که بنی
 خادم الحرمین الشریفین ایندی دیو مسرود اولدی و خطیب هنوز مزه
 آیکن طور و غنی یرده خلعتلر کیدر مشلر دیو نقل ایتدیله و صکره دن
 ینه آردنجه بیجا انعام و احسانلر کوندردی و براق کون حلبده آیش
 ایدوب عسکر منصور ایله شام شریفه اوتحال ایتدی اهل شام دخی
 اجلار و اعظام ایدوب فرشو جقدیلر سلطان صاحبقران آنلره
 دخی امن و امان و فضل و احسان ایله اطمینان و یروپا کابرو انعیانه
 خلعت فاخره لکیدردی و زینت و شوکت ایله شهره دخول ایدوب
 شیخ اکبر محیی الدین عربی رضی الله تعالی عنه حضرتلرینک قبر شریفی
 اوزره عمارت و تربه فرمان ایتدی و اوقاف شریفه و معموره ترتیب
 ایدوب تعیین قیلدی و لاشک سلطان سلیم خانی شیخ اکبر حضرتلر
 روحانیتلری سلطنت ممالک عربیه جزایر ایدوب عون عنایت الهی
 آنلرک برکاتیلره میسر اولمشد مرحوم براق کون شامده آرام ایدوب
 آندن صکره ممالک مصر فتحته عنایت ایلدی غزه یه و اصل اولحق
 خواص خدمتدن بر مقدار کسینه ایله شهر عسقلان زیارتنه عدول
 ایتدی و دیار مزوره خلعتنه بیجا و بی پایان انعام و احسانلر نواز
 ایلدی آندن ینه عسکر منصوره یه یتشوب جانب مصره متوجه
 اولدی و یوللرده هر قریه و قصبه یه که واصل اولوردی نظر عنایت
 و عین عدالت ایله منظور قیلوردی و انواع الطاف و احسانلره
 اهلن ارضا یوردی و محاربه سابقه دن بقیته السیوف اولان چراکسه

محی الدین
العربی

شهر عسقلان

مصره

مصره عودت ایدوب دو آوار کیم امیر طومانبای بر سر سلطنته کجوب
 العادل بالله دیو تلغیب اتمشلا ایدی و آلات و اسباب حرب و قتالی
 مهیا قیلوب خارج مصره دیدانیه دیمکله معروف موضعده برور ایشلر
 ایدی که عسکری عثمانی فرشو کلچیک طوبلرین بوشاندوب اوزرلر
 دفع ایدره لر جاسوسلر بوجانیده چراکسه احوالندن خبر وریجک
 تدارک ایدوب لشکر چرکسک اوزرینه اوغرامیوب جبل مقطمک
 ماوراسندن طولاشوب چرکسک آرین آلایلر و اندن صکره طوب
 و قنقلرین اتوب چراکسه نلک جمعیتمک بریشان ایتدیله اولخانبه
 سنان پاشا غرضلر ادره وصول بولدی مرحوم سلطان سلیم خان
 مزبورلک فقدان ناسف ایدوب یوسف کتدکن صکره مصر دن
 نه فائز دیو بیوردی و لشکر طومانبای بر ساعت مقداری طیانده
 تمزق و انصراف بولدیله طومانبای کندوسی بریه سمتن طوقوب بنی
 حرام دید کلری طایفه دن عبدالدایم نام شیخ المربک یاننه دوشه
 سلطان سلیم خان مصره دخول ایدوب جزیره وسطانیه ده عسکر
 منصور ایله نزول اجلال بیوردی چراکسه دن غیری کیم واریسه آنلره
 امان و یروپ چرکسدن کمی بولدیسه قتل ایتدی براق کوندن صکره
 موضع مزبوره دن مقیاس قرینه انتقال ایدوب اواده بر قصر عالی
 بنیادنه فرمان بیوردی و سابق الذکر عبدالدایم پادشاه عالمپناهه
 تقرب قصد ایدوب طومانبای طوقوب باغلیوب آستانه سعادت کوز
 نسیم ایتدی و جانب سلطنتدن خلعت و نعمتلر ایله رعایتلر بولمقد
 صکره طومانبای حبس اتمک فرمان اولدی پادشاه عدالت دستگاه

موضع جنگ
مصر

جبل مقطم

شهادت سنان
پاشا

حبس طومانبای

حضرت قلیونک مراد شریفی بوایدیکه سعاد قله رومه عودت اتدکده
جانب شریفندن طومانبانی نائب مصر ایدوب مقالید امور دی کف
کاتنه تسلیم ایلدیه و کاهی حبسندن مجلس شریفنه کتوروب احوال
مماکندن استفسار ایلوردی اهل مصر سفاقت ایدوب ادبار ایلدیلر
بولد قلیونک را حیف و اکاذیبی سویلکه باشلدیلر طومانبانی محبوس دکلدر
بر قاج کون برای مصلحت اختفا ایلدی بر کون ظهور ایلدینه غلبه ایدوب
مصری استخلاص ایدوبیر تکلم ایدوردی ناسک کلماتی سلطان سلیم
خانه واصل اولجوق محرم کوردیکه طومانبانی وجودی نابود اولمسخه
تسکین فتنه میسرد کلدر اندن سیوردی بر آستره بندوب شهر ایچنه
اوغرا ایلدیلر ایلدوب باب ذویلده ده صلب ایلدیلر خلق بو خالی کوردی
گفت و کوردن منقطع اولدی اندن صکره ممالک مصره قضاه و ولایه
نصب ایدوب نفس مصره خیریکی و شام شریفه جانب و غرائی والی
قلدی و لشکر منصور ایلدیه حبیبوب اسکندریه جانبینه متوجه اولدیلر
واروب بر قاج کون اقامتدن صکره یینه مصره عودت ایلدوب اندن
دار السلطنه السنییه جانب قسطنطنیه یه توجه و غزیت ایلدیلر
بو قضه نیک و قوعی طقوز یوز یکرکی اوج شعباننک یکرکی بشخی کونی
ایدی و مقر سلطنت علیه یه غزیت ایلدیه وصول بولدقن ذهن همایون
مرکوز اولان عجم سفرینه مباشرت ایلدی **شعر** ماکل ما بتمنی اثر یدر که
تجری الریاح بما لا تشتهی السفن • مقتضای نسخه محنت سری فنادن •
دارالملک بقایه سفر ضروری و شوب از زمان کچمدین سره سلطنت
جهاندن سر پرده روضه رضوانه روان اولدی **۹۲۶** هـ عامله الله

طلب طومانبانی

بالفضل

بالفضل والاحسان واسکنه اعلى غرق الجنان • وانزل علیه شایب
الفقران • اندن صکره سلطان عایدشان و سامی مکان حضرت سلطان
سلیمان خان علیه الرحمة والفقران سریر عز و سلطنته جلوس ایلدی
حقا که بر سلطان صاحب شکوه و شاهنشاه انجم کروه ایدیکه زمانه
وسلطنتند دولت عثمانیان ذروه علیه ایدوب آستانه دولتی بکاه
شفاه سلاطین زمان ایدی و بارگاه غرق مطاف و لاج الطواف طواف
جهانیان اولمشیدی سکندرو دانش پرور و کسری معدنت کسندروگاه
دولتند ایکی کینه جا کرایدیلر **قطعه** در کیش کعبه اقبال
بودی • حضرتش مجمع ارباب حقایق بودی • هر کجا ذکر سلاطین بفضل
بودی • فضل بی منت او بر همه سابق بودی • روزگار در دوت و زمان
سلطنتند جمهور خلائق ظلمات ظلم واعتساف کوردمدین چشمه آب حیات
معدنت و انصاف ابر مشلر ایدی و عامه عالم و کافه امم ریاض امر و سلامت
وصدایق نایب بخت و خواب و راحت ایدی بالجملة اوصاف عدل و احسان
و اخبار عظمت و علو شان کالشمس فی وسط النهار غایت اشتهارده
و مثال بادیهاری کمال انتشارده ذات شریفی محض دولت و عین سعادت
ایدی دولت و سعادت اول کسینه ایدیکه انک جناب شریفه بنده اولد
معظم همتی غزا و جهاد و فتح بلاد و دفع فساد و امن عبادده مصروف
ایدی دایما رعیته انصاف و معدنت و فقرای رحم و زلفت اوزده •
بر صادق القول و جریل الطول طاهر الفواد و صحیح الاعتقاد بارشاه دیندار
ایدی رحمة الله علیه و رضی الله عنه و اولاد اجداد کرام عظامی ملقوز نفیر
اصحاب سعادت در که هر هر ی سزاوار قاج و افسر و لایق سلطنت هفت کشور

سلطان سلیمان خان
رحمة الله علیه

بررسی اول ششیدارگان سلطنت جهان سلطان سلیم خاندر که کند و
 صکره تخت و الابخت سعادت جلوس همایون بیور مشلورد بری دخی
 مرحوم و مغفور له سلطان مصطفی در که اکبر اولادی بونلرایدی مولد
 شریفلری طقوز یوز یکر می بر سینه سند ایدی و طقوز یوز النمش
 سینه سند عز و شهرت ابر مشلورد نیکم قصه لری معروف و شهرت
 بر دخی مرحوم و مغفور له سلطان محمد در مولد شریفلری طقوز یوز
 یکر می سکن سینه سند ایدی و طقوز یوز النمش سینه سند وفات
 انمشلورد مرحوم له دائما چراغ چشمی و نصب عینی ایدیکه هر رنده
 کشاد خاطر ی بونلرک مصاحبتی ایلله حاصل اولوردی بونلرک
 مفارقتدن صکره بساط نشاطی طی ایدوب الات ذوق و طربی
 و اسباب عیش و عشرتی کو تروید طور آخر طوقدی و محروسه قسطنطنیه
 ابا اجدادی عمارینه مانند عمارت عالییه بنا ایلدی بری دخی مرحوم و مغفور له
 سعید و شهید سلطان بایزید در که طقوز یوز او توز او جده و جوده
 کلوب طقوز یوز تیش سینه سند رتبه شهادتیه قدم باضمشدر
 برادر بزرگوار ی مرحوم سلطان سلیم خان ایلله ولایت فرمانده واقع
 اولان قصه لری تألیف مستقلة محتاج در رحمة الله تعالی بری
 دخی مرحوم و مغفور له سلطان جهانگیر در که از یکا زمانه در حدود
 ایدی طقوز یوز یدری سینه سند ولادت ایدوب النمش تاریخچه مضر
 خناقدن وفات انمشدر بونلرک اوزرینه دخی قرب قسطنطنیه
 سواحل دریاه بر موضع شریفده عالی جامع بنا انمشلورد بری دخی
 مرحوم و مغفور له سلطان مراد و بری دخی سلطان محمد در که

بویکیسی مرحوم اوایل سلطنتنده وفات ایدوب جذر کوار لری
 سلطان سلیم خان تربیه سی قرینده مدفونلورد بری دخی مرحوم سلطان
 عبدالله در که طقوز یوز یکی تاریخچه وفات انمشلورد بری دخی
 سیده النساء القاصرات صاحبه الخیرات و الحسنات مهر و ماه سلطان
 حضرت لیدر که خانم سلطانم دیملکه معروفه لورد بونلر شول مال بایان
 و خزاین فراوان خرج ایدوب مکه معظمه ده چشمه روان ایلدر صلیحه
 السعادت در **فی ذکر و ذراء العظام** مرحوم و وزیر اولی آصف زیان
 و بزرگچهره و دران معدن صدق و صفا و منبع عقل و زکا بیکه پاشا
 حضرت ابی بکر صدیق رضی الله تعالی عنه نسلندند پیری پاشا
 دیملکه معروفه لرد طریق علمدن وزارت عظمایه ایدوب مرحوم و مغفور له
 سلطان سلیم خان حضرتنه نیجه زمان وزارتله خدمتدن صکره
 سریر سعادت و متکای چار بالاش سلطنت بحکم وراثت سلطان عالییه
 سلطان سلیمان خان حضرتنه انتقال ایدیکه بینه صد و نهم
 قیلنوب بر مدت خدمتدن صکره تقاعد رجا ایدوب وظایف
 بالتمام معین قیلنوب برینه او طه پاشا ابراهیم اغا وزیر اولدی اول
 زمان که مزبور ابراهیم پاشا اچرودن چیقوب بحکم فرمان قدر جریان
 سلطان مسند وزارت عظمایه توجه ایلدی سلك وزارتق منظم
 اولان احمد پاشا خدمتدن اقدام اولغین مزبوره مزاحمه ایدوب برین
 و بر میچک ابراهیم پاشایه بکا عارض اولوب دوندی جناب پاشاهی که
 کیروب اشتکا ایلدی اوراد دفعنه تدبیر اولنوب صدر وزارتق
 ایالت مصرله ازاله قلندی و ان وار بچو اظهار خیانت ایدوب اخر الامر

مصرده مقتول اولمشدد و ابراهيم پاشا صدرننه مستقر و امرننه
مستمر اولوب نجه روزگار نفاذ امر و زره وزارت و وکالت اندکن
صکره اخر کار زمانه غدار و جريح کج رفتارک حباله مکرينه گرفتار
اولوب طقوز يوز قرق ايکي رمضانننه و اخرننه برکجه اچر و دعوت
اولوب مظهر غضب پادشاهی اولمشدد اندن صکره مرحوم سلطنت
سلیم قوللندن آياس پاشا که محبت علما و ميل اهالی و فضلا ايله مشهور در
اول وزير اعظم اولوب برمدت وزارتندن صکره مطعونا و فوات ايدن
ينه برينه سلطان سلیم قوللندن لطفی پاشا و زير اولمشدد مزبور لطفی
پاشایه سلطان عالیشان همشیره لری شاه سلطان حضرت بلرینی تزويج
اندر شلريد انلره حق رعایتله خدمت ايتوب بعض امورده خشونت
اوزره اولغین مرحوم اتی عزل ايدوب سلطانندن تفریق اندیلر برينه
خادم سلیمان پاشا و زير اعظم اولدی اولدخی برمدت خدمت و زره
صکره طقوز يوز الی قاریخنده معزول اولوب برينه رستم پاشا و زير
اولدی مرحوم سلطان معدلت رسوم کند و کرمه لوی صلاحه لطیفات
و الحسنات هرماه سلطان حضرت بلرین مزبوره تزويج اتمشدریدی
وانلرک قوتی و والده حاصکی سلطان حمایتی و پادشاه عالیشان
حضرت بلرینک نظر عنايتله نجه روزگار استقلال قام اوزره وزارت
ايدی طقوز يوز التمش سکر قاریخنده وفات ايدیچک برينه علی
وزير اعظم اولدی مرحوم ذهن و زکا و عقل ده صاحبی کشاده مشرب
کسته ایدی طقوز يوز تیش ایکی قاریخنده وفات ايدیچک صدد
وزارت عظمی و تنکای وکالت اسنی اول اصف صف و زره عظام

واشرف خیل وکلای کرام محمد پاشایه مفوض و مقرر اولدی **فی کفر و غرور**
مرحوم و مغفور و مظهر رحمت رب غفور جهاد فی سبیل الله اتمکه
بنایت مشغول ایدی محافظه حوزه اسلام و حمایت دین کریم حضرت
سید الانام علیه افضل الصلوة والسلام اچون مال فراوان و خزان
بی پایان خرج ایدوب عظیم غزال اتمشدر در سلاطین عثمانیه دن الله
میسر اولاغز او فتوحات هیچ برکسیه میسر اولدوغی منقول دکلدر
تفصیل غرورانه نجه مجلد کتاب وافی دکلدر مرحومک اول غزاک
بلغراد غراسیدر طقوز يوز یکریمی ایدی جمازی الاخره سنده جیشدر
ایدی سعادت فتح ایدوب سنه مزبوره ذی القعد سنده مقرر
سدننه عودت همایون کوسرودیلر بونارینخن ولایت شامده جاندر
غزالی عصیان ایدوب کندی نام نافرماننه خطبه او قوتدی اخر
در دولتندن فرهاد پاشا واروب قتل ایددی و پاشنی درگاه عالییه
اوسال ایدی **ایکینچی** غزاسی جزیره دروس قلعه سیدرکه و جبه ارضه
آنک کبی متین و حصین قلعه منقول دکلدر طقوز يوز یکریمی سکر
رجبندن جیشدریدی یکریمی طقوز صفیرینک اوایلندن فتح ایدوب
سنه مزبوره ربیع الاخرنده مقرر سعادت و وصول بولدیلر **اوچینچی** غزا
بودیم سفریدرکه دولت اسلامیته ده بو کامعارل فتح عظیم اولمشدد
الیتوز بیلک مسلح چهار عسکری قلیچدن کجوب تونه صوبینه غزاولدوغن
غیر ایکی یوز بیلک نفر اسیر جیق مشلدر در غزاه مذکوره یه طقوز يوز
او قوز ایکی رجبندن جیشدریدی ذکر اولنان بودیم قلعه سیله
قوابع و لواحقلرین فتح ایدوب صکره عودت همایون ایدوب طقوز يوز

او تو ز اوج ذی القعدة سنك بشند دار السلطنة السنية محمية
 قسطنطينيه به وصول بولدیلر **دورنجی** غزاسی بیچ سفیریدر که کار خاکی
 جمع اولوب بوردیم قلعه سن اهل اسلام الذدن المشریدی مرحوم
 طقوز یوز او تو ز بش سنه سنه عسکر منصور ایله قلعه مزبوره فی
 تکرار کار الذدن استخلاص اندیلر و اطراف و نواحی فتح ایدوب
 نیجه کون نهب و غارت ایلوب خلقینی اسیر و قتل اندکن صکره قش
 باصوب آرام عسکره قابلیت اوندوغی ایلدن طقوز یوز او تو ز
 التي ربيع الاخر من دونوب استانبول بيشدير **بشنجی** غزاسی الامان
 سفیریدر که طقوز یوز او تو ز سکر رمضان غزیمت اتمشایدی
 و دربارن سکان باره قدرغه ایله فیودان احمد پاشایی ارسال اتمش
 اتمشایدی و اروب بنصر الله و قاییده نیجه قلعه لرفتح ایدوب
 و ممالک تخریب اندکن صکره بی نهایت اسیر جیقروب عودت هایون
 یوردیلر طقوز یوز او تو ز طقوز ربيع الاخر من مقرر سعادته وصول
 بولمشلور **التنجی** غزاسی عجم سفیریدر که عراقین سفری و یکله مشهور
 طقوز یوز قرق ربيع الاول الذدن عسکر هایون ایله مقدم وزیر اعظم
 ابراهیم پاشایی ارسال ایدوب کند و لو سعادته ایله طقوز یوز قرق
 ذی القعدة سنه اسکداره کجوب عقبی نیجه سرحد بيشدير
 شاه طهماسب تبریزی خالی قیوب لشکر یله کوه و و شده آواره و کوه
 اولدی و عسکر سنه و بلاد عجمی کیف ماشاء تصرف اندکن صکره
 شاه طهماسب استانه دولته عرض عبودیت ایدوب مراراً صلحه
 لجیلر کند و بآخر الامر سلطان صاحبقران الصلح خیر مقدمه یل

عمل یوروب شاه جان بنه نامه هایون ارسال ایدوب حصول مقصود
 اعلام یوردیلر و فتح اولان بلاد حافظ و مستحفظ لر نصب ایدوب
 سعادته سالم و غنائم دار السعاده سمنه متوجه اولوب طقوز یوز
 قرق ایکی رجبنده عز و اجلا لله کلوب وصول بولدیلر **بدنجی** غزالی
 کورفر سفیریدر که کند و لو سعادته ایله قره دن غزیمت ایدوب بیان
 لطفی پاشایی و فیودان خیرالدین پاشایی ارسال اندیلر طقوز یوز قرق
 اوج نارنجنده و اروب او تو ز دورت باره قلعه سن خراب ایدوب
 ممالک مزبوره ده اسیر و قتلله علیه و استیلا قلد قدن صکره سالم
 و غنائم مقرر سعادته عودت هایون یوردیلر **سکرنجی** غزالی قره بغداد
 سفیریدر سعادته ایله بالذات توجه یوروب ممالک مزبوره فی
 اعدای دین و دولت الذدن استخلاص اندیلر و بیحد و بی غایه مال
 و اسیر ایله مفتنم اولوب طقوز یوز قرق دورت ربيع الاخر منک اولخنده
 دار السلطنة العلية قسطنطينيه محمية وصول و نزول یوردیلر **طقوز**
 غزالی اسطوبور سفیریدر که سابق الذکر بودیم قریب بر موضوع ایکی
 سعادته و اروب یاقوب یقیدیلر و کار دشمنان دینی اسیر و قتل
 ایدوب شرف شوق لوبین دفع اندکده صکره دار الملک سعادته عودت
 هایون یوردیلر **اوننجی** غزالی اوسترغون سفیریدر که و اروب نصرت
 و قایید ربانی برله طقوز یوز التي سنه سنه توابع و لواحقیه فتح
 اندکن صکره اوسترلونی بلفرا دی دخی فتح ایدوب سالم و غنائم سیر
 خاقانی صوبه عودت هایون یوردیلر **اوننجی** غزالی القاس سفیر
 مزبور القاس شاه اسمعیل اولادند در شاه طهماسب برادریدر و پاشایی

بعض خصوصاً شقاق و دشواری استانه سعادت التاج اتمشیدی
تفصیل احوالی معلوم عالمیان در **اون ایجنی** غزالی نخبوان سفرید و قنات
مرحوم صاحبقران قرنهای طائفه سنک حدود و خراشی ملکند چگونگی
استماع بیورب فتنه و فساد مباشرتاری خبرین ایدی طقوز یوز
التمش و مضانک و ایلند اسکاده عبور ایدوب قطع منازل
و طی مراحل اید و کایه ایشدی و خارج شهرده بارگاه قور
اوغلی سلطان مصطفی بی حضور سعادتنه دعوت ایدوب برخطم کلند
آخر طشره متین چیقروب قاپوتله بروسه یه نقل اندیلر و خصوص
مذکور سنه مزبوره اوخرند واقع اولمشدر اندک ارتحال ایدوب
محروسه حلبه یتشدی و آنده قشلا یوب فصل بیسمینه قیام
ایدوب ولایت عجمه عزیمت ایدی حدود نخبوانه و ارجح شاه طهماسب
شهری خالی قیوب چیقردی طرف و جوانبند سرگردان کورمه باشدی
مقابل و مقاتله بحال و بیوب مجرّد انقاب عسکره باعث اولحق
سلطان صاحبقران نواحی نخبواندن منصرف اولوب اما سیه شمنه
متوجه اولدی بر مقدار اقامت ایدوب ینه ولایت عجمه جیقون ^{حظ}
ایکن ابلیساری کلوب صلح اولمشد رجا ایدی سلطان عظیم الشان
آسایش لشکر ایچون سؤالنه اجابت ایدوب صلح و صلاح ستمه مایل
اولدی و اورادن سعادتله و نوب طقوز یوز التمش برتایخند مقرر
سعادت و وصول بولدی **اون ایجنی** غزالی سکتور سفریدر که محرمک
آخر غزاسیدر و سکتور دیکلوری ممالک مجاردن بر عظیم قلعه استوار
حدود ممالک مجاردن بر عظیم قلعه استوار در حدود ممالک اسلامیة

کیدن

کیدن ابنه سبیل کلی ضری طوقوردی طریق سلیمندن اذاله چون
او اخر عمرده بی اختیار اولوب کتمش لیدی قلعه نک فتحی کو بی سعادتله
سیر سلطنت جهانندن سر پرده رحمت رحمانه انتقال ایدی رحمة الله
تعالی رحمة واسعة بو واقعه ده حضرت وزیر عدیم النظیر صدور
ایلین حسن رأی و اصابت و تدبیر قابل تقریر و تحریر کلد صاحب
سیر ممالک سلطنت جهانانی سلطان اعظم سلطان سلیم خان
ثانی دولتی بیاننده در مولد شریفاری طقوز یوز کرمی طقوز تار نخبند
و جلوس هایونی طقوز یوز یتشد و درت سنه سنه در مرحوم برحیم
وسلیم و رؤف رحیم پادشاه کرم ایدی هرگز کند و دن افریدم النجمه
محبت علما و صلحا و مجلس شایخ و فقرا یه مائل ایدی اکبر غزالی فتح فرسند
عسکر کوندوب سیف جهاد ایلله فتح اتمشدر بری دخی فتح تونس
و خلق الوادید بری دخی فتح ممالک یمندر اعظم خیر اندن بری که
در یادن قطر در بنا مسجد حرامدر که آثار عظیمه و فضایل کبریه دندر
سلاطین عثمانیه دن کند و لور دن اقدام بو مرتبه یرکسه موفق اولمشدر
ذلک فضل الله یوتیه من یشاء والله ذو الفضل العظیم لکن ایما
سلطان مراد حضرت تبارینه میسر اولوب طقوز یوز کسان ایکی تار نخبه
وفات ایدوب سلطان صاحبقران سعادت فرین و خاقان نصفت
نشان و معدلت ایمن ظل الله فی ریاض الرأفة والاحسان بالامن
والامان و ضیاء الحق علی الخلق بالفضل والامتنان شهراده داد اعتماد
حضرت سلطان مراد جلوس ایدوب تحت وقاج برایتها چله مأنوس اولد
ایام سعادت انجاشند رعایا بر ایام ممدرا حنده حضور قلبله آسوده

سلطان سلیم خان ثانی
رحمة الله علیه

سلطان مراد خان
رحمة الله علیه

واعلا وادنا پسترد عدالته صفای خاطر ایل غنوده اولوب هر کس
عیش و عشرتله سرور و خندان و نشاط سرور اکیز ایلهم و شان
ایدی و ملوک اطراف آستانه سعادت آشیانه سن مطاف ایدوب عرض
عبودیت ایلهم هر بری سرافراز اولمشیدی روزگار سعادت اثاری
خنده فرمای زمان عیش افزان جمشید جم و نسیم فیض شامی ایلهم عالم
مانند باغ ارم اولمشیدی و ولایت شرق فتنه غرق اوزینه نیجه
نامد او سرور شهادت شعار یقین و ارسال ایدوب اکثر کزیده اولان
مدن و امصارین مضافات ممالک اسلامیة دن قلمقله اول اماکنی
فساد رفض و الحاد دن پاک اتمشیدی آخر الامر شاه ایران زمین
اولان عباس ناسپاس دامن صلح و صلاحه تشبث ایدوب برادر زاده
میرزا حیدری بطریق الرهن ارسال ایدوب استیمن اتمیجه نیجه شیران
عساکر ظفر مآثر دن غزال جان رسیده سن استخلاصه مجال بولیدی
آخر حکم وای نعیم لایکدره الدهر مزاج عاقبت اتمراجی عالم کونک فساد دن
متغیر اولوب بیک اکی قاریخنده ترک الانش جسمانیته و میل آسایش حانی
ایدوب مختصرای عالم قانیدن نزهتگاه روضه بقایه خرامان اولوب
یرینه شهزاده جراتخت و سعادت نشان حضرت سلطان محمد خان
دونق افزای سلطنت و مسند آرای خلافت اولوب تحت و تاج جود
شریف سعادت الیقولیل بر اتمهلاج اولدی انلرک دخی اکثر اوقات
فرخنده ساعاتی نشر اثار نصفت و داد و تفقد و تجسس احوال و مصالح
ممالک و عباد اتمکله مود ایدوب اطراف و کافه مراسم معدلتی اجرا و انفا
اتمک اوزره اکین کفار بد کردار و زخ قرار اتفاق ایدوب ممالک اسلامیة

سلطان محمد خان
رحمة الله علیه

نیجه قلاع و بقاعه دست تعدی دراز و اها الیسی اوزینه در فتنه
وفساری باز ایلد کلری اخباری پادشاه عالمپناه خیر بلیک سمع و ایتلر
واصل اولمچو کند و لری بالذات بیک اوج قاریخنده قالقوب اوزرینه
واروب عون و عنایت الهیهیه توکل و معجزات کثیره البرکات حضرت رسول
توسل ایدوب عساکر اسلام نصرت اعلام ملاعین خاسرین ایلهم مقابله
اولدقم بر مرتبه عرب و قتال و جنگ و جدال اولمشدر که هرگز دولت
اسلامیه ده بویل برغزا سموع ارباب ذوی العقول اولمشدر کلدر اخر نسیم
فتح و نصرت مهیب عنایت ازلینه دن و زان اولوب عساکر اسلام منصور
واعدا ی دین و دولت مقهور اولوب بوسفر نصرت اثرده حذمت دین
اسلامه سبقت ایدن استقامتی برکاتیلهم اگری قلعه سن و نیجه قلاع
و بقاع کثیره الانتقاعی دخی فتح ایدوب بیک دورت قاریخنده سالدین
و غامین دار السلطنة العلیه محیه قسطنطنیه به عودت ایدوب قلوب
اذمه انواع سرور و شادمانی حاصل اولدی کمن اناطونی و قرمان و بلاد
عربستانده اترک بی ادراک و اگر ادشقاوت نهاد طایفه سندن بر
مقدار اشقیاء جمیت ایدوب جلالیلو شعاری ایلهم علم افر از عصیا
اولوب مملکتده عظیم فتنه و فساد و عباد الله اوزرینه تسلط ایتلر
خانمانلرین بر باد و کدجه بغی و عناد لری ازیلار و آتش بیداری کون
به کون ایقاد ایدوب بیک اون اکی قاریخنده کلنجه بورسم اوزره مورد
ایلیوب سلطان محمد حضرت لری دار الفنا ی غرور دن نزهت آباد سروره
واصل اولدقم یرینه اوغلی شهزاده ارشد و امجد حضرت سلطان احمد
جلوس ایدوب تحت و تاج پادشاهی وجود شریف لری ایلهم مفتخر و مباهی

سلطان احمد خان
رحمة الله علیه

اولد قده کار عالمه نظام تازنه و کافه انامه سرور بی انداز حاصل اولدی
 زمان سعادت و ایام سلطنتلرنده احکام شرعیته کمال مرتبه اجرا و قانون
 منیف اسلاف با انصاف کاهو المراد مؤدا قیلنوب بیک اون یک تاریخده
 ذکرا اولنان اشقیای بدنهادک دفعی تدارکن ایدوب وزیر اعظم
 و اکرم و دستور امجد و الفخیم پیروشن ضمیر و کشور کشا حضرت
 مراد پاشایی سردار تعیین ایدوب عسکر ظفر اعلامله اناطونی ولایت
 چیققد قلندره ککاسه اشقیای بیامان کلزار مما لکدن مکنوسه
 ولوی ضلالت السوالری معکوسه اولوب جزای سزای عملترین
 دست بردن باب مجاهده دن مشاهده قیلوب خار و خاشاک وجود
 خباثت اثر لری شعله جواله تیغ انتشار ایلله خاکستر اولوب اول مقوله
 متغلبه بی باکدن نام و نشان نابیدا اولدقدن اطراف و کاف عالمه جبار
 معدلتی اجرا و تیرجه و جلالتی و مهر جلی شعله اقبانی کون بر کون
 ارتفاع و اعتلاده اولوب آثار عدالت باهره سی کالشمس فی وسط النهار
 اولغه قریب ایکن چشم زخم زمانه بدم هر یله افتاب عالم تاب عمریه کسوف
 و ماه چارده وجودنه خسوف عارض اولوب اول پادشاه دین پناهک
 فقدان ایلله عالم ظلمت اباد و نیتوه و سکان زمین و زمانک دیده لری
 کویه ایلله خیره اولوب بیک یکریمی آلتی تاریخک ماه ذی القعدة سنه
 یرینه برادری سلطان مصطفی جلوس ایلدی و ککن کل بیستر المختوله
 مقتضنا سچمه بهوه سلطنتدن حظی اولیوب رتق و تقق امور چورده
 تهاون اوزده اولغین نظام عالم و مملکت و کارنامه سلطنت و دولت
 خلل پذیرا و لوق احتمالی ایلله اعیان دولت و ارکان سلطنت یکدل و

سلطان مصطفی خان
 رحمه الله

و بحکمت اولوب علمای عظام و مشایخ کرامک اتفاقی ایلله بیک یکریمی
 یدی ربیع الاولنده خلع اولنوب مرحوم سلطان احمدک اولادندن
 سلطان عثمان بیعت اولنوب تخت و الایخت سلطنته اجلاس اندر
 حقا که بر پادشاه عظیم الشان و بر شهنشاه عدیم الاقران که هر کز
 نظیری کوریش دکل ایدی همواره آثار فرد دولت جبهه سند ظاهر
 و انوار عز و شوکت جبهه سنده باهر اولوب دایما شهباز هفتی اوج هرک
 سلطنته شکار انداز و طایر هیاوت بال اقبالی افاق کیرلک ایلله بدند
 پرواز ایدی لکن التهاب آتش شباب ایلله سرگرم اولوب نصیح و تنبیذ
 کلام حقیقت انجای طبیعتنه بارد کملکین عاقبت خیر خواه دولتی
 اولنلر سکوت ایدوب روی ممانعت کوستردیلر بیک یکریمی طغوز سنه
 بالکلیه اتفاق آرایه مخالفت ایدوب مطوان دید کالری سفره عزیمت
 ایدوب انده دخی عسکر ایلله مابیننه عظیم برودت واقع اولوب
 اول سفره ده ملتشی اولان معنایه دست دسه امکان اولیوب صکره
 ککار بد کردار امید صلح و صلاح ایلله التزام باج و خراج ایللیوب آستانه
 سعادتیه بجد خراین و اموال ارسال ایدوب صلحه رضای هیاوت
 سعادت مقرون لوی اولوب دار السلطنة العلییه عودت بروردقدن
 صکره قزاق سوا ایلله بعض اموری مرکب و عسکر خصوصند آتش
 غضبی ملتیب اولوب بیک اونوز بر قارینجده حج شریف نیتی ایلله اناطولی
 ولایتنه چیقغه مراد ایلد کده عسکرک قلبیه خوف و خشیت در شوب
 بر سفر دن مرادی مطلق بزدن اخذ انتقام در دیو بعض موادی بهانه
 ایدوب برای هیاوتن جمعیت و درنک ایللیوب شاید قده غفلتدن

سلطان عثمان خان
 شهید رحمه الله
 علیه

بیدار اوله دیو بوا میدایله مقرب حضرت قی اولندردن بر قیاج کسندی
 طلب اندکارتن آداب ملوکدن اولین بعض اوضاع ناشایسته و عرض
 سلطنته خلل ایراث ایدد حرکات فایایسته سی ظهور اندکده سلطان
 مصطفای ساکن اولدوغی حجره سندن طشره جیغروب تکرار بیعت
 اندیلر سلطان عثمانی داود پاشا دید کلری فایا کارید کردار بعضی
 ابراز اشخاصک استظهاری ایله یدی قله ده حبس اتمک طریقیه
 کتوب بیک اوغوز بر سنه سنک رجینده مرتبه شهادت قدیم
 باصوب تحت سرای عالم فاندین آهنگ روضه داخل نور بقا
 ایلدی لر شهید اولدی عثمان اول سعید و شهیدک انتقالی تاریخدر
 بعده سلطان مصطفی نینه کاکان اولکی عالمنده و بی قیدانه کندو
 ذوق و دمنده اولمقله امور دولت بالکلیه معطل اولوب خاتم
 برایکی درود یوردتدن خوفک الینه دو شوی عالم بر یوزدن وخی
 اولمغه قریب اولمشیکن بعنایه الله تعالی اتفاق آرا واقع اولوب
 حایا پادشاه دین پناه و شهنشاه ظل الله حلیفه روی زمین مظهر
 الطاف رب العالمین السلطان بن السلطان مراد
 خان بن السلطان احمد خان حضرتلرینه بیعت اولنوب
 قدوم بهجت لزوملریله عالم کمر از نزهت آباد و قایا
 و برایا افاضه عدل و داد ایله منشرح الصدر
 و محبوب الفوار اولمشلردر
 الحمد لله الذی هدانا
 لهذا

سلطان البرین و خاقان
 البحرین سلطان مراد
 خان اطا الله
 بقاه